

CUSSEGL GROND

Sessiun da zercladur 2023

Dumonda Rauch concernent la candidatura per ils FIS Games

La Federaziun internaziunala da skis (FIS) ha annunzià da vulair organisar l'onn 2028 per l'emprima giada ils FIS Games. I sa tracta qua d'in event cun 16 disciplinas da sport da naiv sco ski alpin, freestyle, ski nordic, snowboard, telemark e.u.v. Suenter il 2028 duain ils FIS Games avair lieu mintga 4 onns, cura ch'i na vegnan betg organisadas occurrenzas grondas (campionadis mundials u gieus olimpics).

Per ils FIS Games vegnan ussa tschertgads pajais ospitants. Per inoltrar candidaturas ha la FIS fixà in termin extrem curt, numnadain fin il 1. da november 2023.

Il Grischun è la destinaziun da sport da naiv per excellenza. Gia pliras giadas ha noss chantun sco ospitant d'events da sport mussà a l'entir mund, ch'igl è pussaivel d'organisar occurrenzas grondas en il Grischun. Percunter ha il pievel refusà la realisaziun da gieus olimpics d'enviern. Quest project è vegnì giuditgà sco memia grond.

Per exact quellas disciplinas ch'ils FIS Games prevesan ha il chantun gia cumprovà, ch'el ha fitg grondas cumpetenzas ed i stattan er gia a disposiziun bleras infrastrukturas per talas. Ultra da quai pon ins partir dal fatg, che l'emprima ediziun dals FIS Games vegn a survegnir ina fitg gronda atenziun en l'entir mund. Plinavant pudess l'emprima ediziun er definir ils standards per ils futurs FIS Games ed igl exista pia la schanza d'organisar da bel principi meglier quels puncts ch'eran vegnids crititgads tar ina candidatura per ils gieus olimpics. Uschia per exempel il gigantissem e la mancanza da persistenza.

Nus supplitgain la Regenza d'infurmar davart las suandantas dumondas:

1. È la Regenza pronta d'examinar ensemen cun las destinaziuns da sport d'enviern ina candidatura per ils FIS Games 2028?
2. È la Regenza pronta d'entrar en contact en quest connex cun auters chantuns u cun Swiss-Ski ubain cun Swiss Olympic?
3. È la Regenza er da l'avis, che la realisaziun fiss ina gronda schanza da preschentar il Grischun sco destinaziun da sport da naiv per excellenza a l'entir mund?

Claustra, ils 15 da zercladur 2023

Rauch, Mani, Rüegg, Adank, Altmann, Bardill, Bärtsch, Bavier, Berweger, Bischof, Bisculm Jörg, Brandenburger, Brunold, Bundi, Cahenzli-Philipp (Vaz Sut), Candrian, Casutt, Censi, Cola Casaulta, Collenberg, Cortesi, Danuser (Cazas), Degiacomi, Della Cà, Derungs, Dietrich, Dürler, Epp, Favre Accola, Föhn, Furger, Gansner, Gort, Grass, Hartmann, Hoch, Hug, Jochum, Kappeler, Kienz, Koch, Kocher, Kohler, Krättli, Lamprecht, Lehner, Loepfe, Loi, Luzio, Menghini-Inauen, Metzger, Michael Beni (Donat), Morf, Preisig, Rageth, Righetti, Roffler, Salis, Saratz Cazin, Sax, Schutz, Sgier, Spagnolatti, Tomaschett, von Tscharner, Wieland, Zanetti (Sent)